

兒童讀經課本

釋淨空敬題





【目錄】

引言	一
雍正皇帝上諭節要	一
十善業道經	六
十善業道經節要	三六
十善業道經節要 附說十惡果報	四四
雍正皇帝上諭	六八
弟子規	八六



## 引言

淨宗學院稟承 淨空老法師指導，自二〇〇五年三月六日至十三日舉辦「幸福人生講座——《弟子規》與淨宗修學」，由蔡禮旭老師主講。這是蔡老師自行化他的心得報告，全部課程共為四十小時。

今日社會大眾物慾橫流、爾虞我詐，所思所行早已背棄倫常大道，麻木不仁。我們即使學佛多年，自性所具的真誠愛心仍無由啟發，所以修學教人皆不得受用，

念念恆為貪欲、怨恨、愚痴、不平等種種邪思矇蔽，  
遑論來世三途苦報，現前普遍存在的身心壓力、家庭糾  
紛、社會競爭、世界戰亂，乃至天災人禍等無法預測的  
劫難，已使人心惶惶，痛苦不堪。處今亂世，唯一自救  
之道，即是認真力行《弟子規》與《十善業道經》。這  
是儒佛大道修學的基礎，如若忽略此大根大本，縱廣讀  
經論、日日課誦佛號萬千，修行數十年，因缺乏基礎，  
亦無真實成就之理。唯有虛心受教，切實奉行，自性  
本具的真誠愛心方得萌芽生機。故知《十善業道經》與

《弟子規》的教學，確為斷惡生善之機，亦即自救救他於無盡苦難的至善妙方。若無此根本，諸佛聖教皆流於空談，決無下手處。

有鑑於此，年近八十的淨空老法師以身作則，率領淨宗學院所有四眾同學參加全部課程。因現場上課與看聽光碟、網路學習，受用大不相同，且四十小時細講之機緣，亦百千萬劫難遭逢，參加講座同修皆深受感動，多有懺悔落淚而觸發善根者。敬祈諸位仁者務必熟讀經文，並希能百分之百落實。以此功德迴向消弭世界戰

亂、化解衝突，必有不思議功德利益。謹以此文作為本書前引。

## 雍正皇帝上諭節要

上諭。朕惟三教之覺民於海內也。

理同出於一原。道並行而不悖。人惟不能豁然貫通。於是人各異心。心各異見。慕道者謂佛不如道之尊。向佛者謂道不如佛

之大。而儒者又兼闢二氏以為異端。懷挾<sup>xié</sup>私心。紛爭角勝<sup>jué</sup>而不相下。朕以持三教之論。亦惟得其平而已矣。能得其平。則外略形跡之異。內證性理之同。而知三教初無異旨。無非欲人同歸於善。夫佛氏之五戒十善。導人於善也。吾儒之五常百行。

誘掖yè獎勸。有一不引人為善者哉。昔宋文帝。問侍中何尚之曰。六經本是濟俗。若性靈真要。則以佛經為指南。如率土之民。皆淳此化。則吾坐致太平矣。何尚之對曰。百家之鄉。十人持五戒。則十人淳謹。千室之邑。百人持十善。則百人和

睦。持此風教。以周寰區。則編戶億千。  
仁人百萬。而能行一善。則去一惡。去  
一惡。則息一刑。一刑息於家。萬刑息於  
國。洵乎可以垂拱坐致太平矣。斯言也。  
蓋以勸善者。治天下之要道也。而佛教之  
化貪吝。誘賢良。其旨亦本於此。苟信而

從之。洵可以型方訓俗。而為致君澤民之  
大助。其任意詆毀。妄捏為楊墨之道之論  
者。皆未見顏色。失平之瞽gǔ說也。特諭。

雍正十一年二月十五日

## 十善業道經

唐于闐三藏法師實叉難陀譯

如是我聞。一時。佛在娑竭羅龍宮。

與八千大比丘眾。三萬二千菩薩摩訶薩俱。爾時世尊。告龍王言。一切眾生。心想異故。造業亦異。由是故有諸趣輪轉。

龍王。汝見此會。及大海中。形色種類。各別不耶。如是一切。靡不由心造善不善。身業語業意業所致。而心無色。不可見取。但是虛妄。諸法集起。畢竟無主。無我我所。雖各隨業。所現不同。而實於中。無有作者。故一切法。皆不思議。自

性如幻。智者知己。應修善業。以是所生  
蘊處界等。皆悉端正。見者無厭。

龍王。汝觀佛身。從百千億福德所  
生。諸相莊嚴。光明顯曜。蔽諸大眾。  
設無量億自在梵王。悉不復現。其有瞻仰  
如來身者。莫不目眩。汝又觀此。諸大菩

薩。妙色嚴淨。一切皆由。修集善業福德  
而生。又諸天龍八部眾等。大威勢者。亦  
因善業福德所生。今大海中所有眾生。形  
色羸cū鄙。或大或小。皆由自心種種想念。  
作身語意諸不善業。是故隨業。各自受  
報。汝今當應。如是修學。亦令眾生了達

因果。修習善業。汝當於此正見不動。勿復墮在斷常見中。於諸福田。歡喜敬養。是故汝等。亦得人天尊敬供養。

龍王當知。菩薩有一法。能斷一切諸惡道苦。何等為一。謂於晝夜常念思惟。觀察善法。令諸善法。念念增長。不容毫

分。不善間雜。是即能令諸惡永斷。善法圓滿。常得親近諸佛菩薩及餘聖眾。言善法者。謂人天身。聲聞菩提。獨覺菩提。無上菩提。皆依此法。以為根本。而得成就。故名善法。此法即是。十善業道。何等為十。謂能永離殺生。偷盜。邪行。妄

語。兩舌。惡口。綺語。貪欲。瞋恚。邪見。

龍王。若離殺生。即得成就十離惱法。何等為十。一於諸眾生普施無畏。二常於眾生起大慈心。三永斷一切瞋恚習氣。四身常無病。五壽命長遠。六恆為

非人之所守護。七常無惡夢。寢覺快樂。  
八滅除怨結。眾怨自解。九無惡道怖。十  
命終生天。是為十。若能迴向阿耨<sub>nòu</sub>多羅三  
藐三菩提者。後成佛時。得佛隨心自在壽  
命。

復次龍王。若離偷盜。即得十種可保

信法。何等為十。一者資財盈積。王賊水火及非愛子不能散滅。二多人愛念。三人不欺負。四十方讚美。五不憂損害。六善名流布。七處眾無畏。八財命色力安樂。九辯才具足無缺。九常懷施意。十命終生天。是為十。若能迴向阿耨<sup>nòu</sup>多羅三藐三菩

提者。後成佛時。得證清淨大菩提智。

復次龍王。若離邪行。即得四種智所

讚法。何等為四。一諸根調順。二永離誼

掉。三世所稱歎。四妻莫能侵。是為四。

若能迴向阿耨<sup>nòu</sup>多羅三藐三菩提者。後成佛

時。得佛丈夫隱密藏<sup>zàng</sup>相。

復次龍王。若離妄語。即得八種天  
所讚法。何等為八。一口常清淨。優鉢  
華香。二為諸世間之所信伏。三發言成  
證。人天敬愛。四常以愛語安慰眾生。五  
得勝意樂。三業清淨。六言無誤失。心常  
歡喜。七發言尊重。人天奉行。八智慧殊

勝。無能制伏。是為八。若能迴向阿耨多  
羅三藐三菩提者。後成佛時。即得如來真  
實語。

復次龍王。若離兩舌。即得五種不可  
壞法。何等為五。一得不壞身無能害故。  
二得不壞眷屬無能破故。三得不壞信順本

業故。四得不壞法行所修堅固故。五得不壞善知識不誑惑故。是為五。若能迴向阿耨多羅三藐三菩提者。後成佛時。得正眷屬。諸魔外道不能沮壞。

復次龍王。若離惡口。即得成就八種淨業。何等為八。一言不乖度。二言皆利

益。三言必契理。四言詞美妙。五言可承  
領。六言則信用。七言無可譏。八言盡愛  
樂。是為八。若能迴向阿耨<sup>nòu</sup>多羅三藐三菩  
提者。後成佛時。具足如來梵音聲相。

復次龍王。若離綺語。即得成就三種  
決定。何等為三。一定為智人所愛。二定

能以智如實答問。三定於人天威德最勝  
無有虛妄。是為三。若能迴向阿耨多羅三  
藐三菩提者。後成佛時。即得如來諸所授  
記。皆不唐捐。

復次龍王。若離貪欲。即得成就五種  
自在。何等為五。一三業自在。諸根具足

故。二財物自在。一切怨賊不能奪故。三  
福德自在。隨心所欲物皆備故。四王位自  
在。珍奇妙物皆奉獻故。五所獲之物過本  
所求。百倍殊勝。由於昔時不慳qiān嫉jí故。是  
為五。若能迴向阿耨nòu多羅三藐三菩提者。  
後成佛時。三界特尊皆共敬養。

復次龍王。若離瞋恚。即得八種喜悅  
心法。何等為八。一無損惱心。二無瞋恚  
心。三無諍訟心。四柔和質直心。五得聖  
者慈心。六常作利益安眾生心。七身相端  
嚴。眾共尊敬。八以和忍故速生梵世。是  
為八。若能迴向阿耨<sup>nòu</sup>多羅三藐三菩提者。

後成佛時。得無礙心。觀者無厭。

復次龍王。若離邪見。即得成就十

功德法。何等為十。一得真善意樂真善

等侶。二深信因果。寧殞身命終不作惡。

三唯歸依佛。非餘天等。四直心正見。永

離一切吉凶疑網。五常生人天不更惡道。

六無量福慧轉轉增勝。七永離邪道。行於  
聖道。八不起身見。捨諸惡業。九住無礙  
見。十不墮諸難。是為十。若能迴向阿耨nòu  
多羅三藐三菩提者。後成佛時。速證一切  
佛法。成就自在神通。

爾時世尊復告龍王言。若有菩薩依此

善業。於修道時能離殺害而行施故。常富財寶無能侵奪。長壽無夭<sup>yāo</sup>。不為一切怨賊損害。

離不與取而行施故。常富財寶無能侵奪。最勝無比。悉能備集諸佛法藏。

離非梵行而行施故。常富財寶無能侵

奪。其家直順。母及妻子。無有能以欲心  
視者。

離虛誑語而行施故。常富財寶無能侵  
奪。離眾毀謗。攝持正法。如其誓願。所  
作必果。

離離間語而行施故。常富財寶無能侵

奪。眷屬和睦。同一志樂。恒無乖諍。

離麤<sup>cū</sup>惡語而行施故。常富財寶無能侵

奪。一切眾會歡喜歸依。言皆信受無違拒者。

離無義語而行施故。常富財寶無能侵奪。言不虛設。人皆敬受。能善方便斷諸

疑惑。

離貪求心而行施故。常富財寶無能侵  
奪。一切所有悉以慧捨。信解堅固具大威  
力。

離忿怒心而行施故。常富財寶無能侵  
奪。速自成就無礙心智。諸根嚴好。見皆

敬愛。

離邪倒心而行施故。常富財寶無能侵奪。恒生正見敬信之家。見佛聞法供養眾僧。常不忘失大菩提心。是為大士修菩薩道時行十善業。以施莊嚴所獲大利如是。

龍王舉要言之。行十善道。以戒莊嚴

故。能生一切佛法義利。滿足大願。

忍辱莊嚴故。得佛圓音。具眾相好。

精進莊嚴故。能破魔怨。入佛法藏。

定莊嚴故。能生念慧。慚愧輕安。

慧莊嚴故。能斷一切分別妄見。

慈莊嚴故。於諸眾生不起惱害。

悲莊嚴故。愍諸眾生常不厭捨。

喜莊嚴故。見修善者。心無嫌嫉。

捨莊嚴故。於順違境無愛恚心。

四攝莊嚴故。常勤攝化一切眾生。

念處莊嚴故。善能修習四念處觀。

正勤莊嚴故。悉能斷除一切不善法。

成一切善法。

神足莊嚴故。恒令身心輕安快樂。

五根莊嚴故。深信堅固。精勤匪懈。

常無迷忘。寂然調順。斷諸煩惱。

力莊嚴故。眾怨盡滅。無能壞者。

覺支莊嚴故。常善覺悟一切諸法。

正道莊嚴故。得正智慧。常現在前。  
止莊嚴故。悉能滌除一切結使。

觀莊嚴故。能如實知諸法自性。

方便莊嚴故。速得成滿為無為樂。

龍王。當知此十善業。乃至能令十力  
無畏。十八不共。一切佛法。皆得圓滿。

是故汝等。應勤修學。龍王。譬如一切城  
邑聚落。皆依大地而得安住。一切藥草卉  
木叢林。亦皆依地而得生長。此十善道亦  
復如是。一切人天。依之而立。一切聲  
聞。獨覺菩提。諸菩薩行。一切佛法咸共  
依此十善大地而得成就。佛說此經已。娑

竭羅龍王。及諸大眾。一切世間。天人阿  
修羅等。皆大歡喜。信受奉行。

## 十善業道經

## 十善業道經節要

釋淨空節錄

如是我聞。一時。佛在娑竭羅龍宮。

與八千大比丘眾。三萬二千菩薩摩訶薩俱。爾時世尊。告龍王言。一切眾生。心想異故。造業亦異。由是故有諸趣輪轉。

龍王。汝見此會。及大海中。形色種類。各別不耶。如是一切。靡不由心造善不善。身業語業意業所致。而心無色。不可見取。但是虛妄。諸法集起。畢竟無主。無我我所。雖各隨業。所現不同。而實於中。無有作者。故一切法。皆不思議。自

性如幻。智者知己。應修善業。以是所生  
蘊處界等。皆悉端正。見者無厭。

龍王。汝觀佛身。從百千億福德所  
生。諸相莊嚴。光明顯曜。蔽諸大眾。

汝又觀此。諸大菩薩。妙色嚴淨。一  
切皆由。修集善業福德而生。又諸天龍八

部眾等。大威勢者。亦因善業福德所生。

汝今當應。如是修學。亦令眾生了達因果。修習善業。於諸福田。歡喜敬養。是故汝等。亦得人天尊敬供養。

龍王當知。菩薩有一法。能斷一切諸惡道苦。何等為一。謂於晝夜常念思惟。

觀察善法。令諸善法。念念增長。不容毫  
分。不善間雜。是即能令諸惡永斷。善法  
圓滿。常得親近諸佛菩薩及餘聖眾。言善  
法者。謂人天身。聲聞菩提。獨覺菩提。  
無上菩提。皆依此法。以為根本。而得成  
就。故名善法。此法即是。十善業道。何

等為十。謂能永離殺生。偷盜。邪行。妄語。兩舌。惡口。綺語。貪欲。瞋恚。邪見。

此十善業。乃至能令六度。四無量心。四攝。三十七道品。止觀。方便。十力無畏。十八不共。一切佛法。皆得圓

滿。一切人天。依之而立。是故汝等。應  
勤修學。

佛說此經已。娑竭羅龍王。及諸大  
眾。一切世間。天人阿修羅等。皆大歡  
喜。信受奉行。

佛言龍王當知菩薩有一法  
能斷一切諸惡道苦何等為  
一謂於晝夜常念思惟觀  
察善法令諸善法念三增長  
不容毫分不善間雜是即能  
令諸惡永斷善法圓滿常  
得親近諸佛菩薩及餘聖眾

恭錄佛說十善業道經金句

淨空學



時年七四

十善業道經節要 附說十惡果報

沙門蕩益編訂

【戒殺生。得成十種離惱法。】

一、於諸眾生普施無畏。二、常於眾生，起大慈心。三、永斷一切瞋恚習氣。四、身常無病。五、壽命長遠。六、恒為非

人之所守護。七、常無惡夢，寢覺快樂。  
八、滅除怨結，眾怨自解。九、無惡道  
怖。十、命終生天。

【犯殺生。得成十種惱法。】

一、於諸眾生普施有畏。二、常於眾生，  
起大害心。三、難斷一切瞋恚習氣。四、

身常有病。五、壽命短促。六、恒為非人之所惱害。七、常有惡夢，寢覺不樂。八、難除怨結，眾怨不解。九、有惡道怖。十、命終惡趣。

【戒偷盜。得成十種可保信法。】

一、資財盈積，王賊水火及非愛子，不

能散滅。二、多人愛念。三、人不欺負。  
四、十方讚美。五、不憂損害。六、善  
名流布。七、處眾無畏。八、財命色力安  
樂，辯才具足無缺。九、常懷施意。十、  
命終生天。

【犯偷盜。得成十種不可保信法。】

一、資財縱盈積，王賊水火，及非愛子，皆能散滅。二、多人不愛念。三、人能欺負。四、十方毀謗。五、常憂損害。六、惡名流布。七、處眾有畏。八、財命色力不安樂，辯才不足有缺。九、不懷施意。十、命終惡趣。

【戒邪淫。得四種智人所讚法。】

一、諸根調順。二、永離喧掉。三、世所稱歎。四、妻莫能侵。

【犯邪淫。得四種智人不讚法。】

一、諸根不調順。二、不離喧掉。三、世所厭惡。四、妻常能侵。

【戒妄語。得八種人天所讚法。】

一、口常清淨，舌根優鉢花香。二、為諸世間之所信服。三、發言誠證，人天敬重。四、常以愛語，安慰眾生。五、得勝意樂，三業清淨。六、言無誤失，心常歡喜。七、發言尊重，人天奉行。八、智慧

乃殊勝，無能制伏。

【犯妄語。得八種人天不讚法。】

一、口常不淨，舌根臭穢薰蒸。二、為諸世間之所不服。三、發言不誠證，人天不敬重。四、常以惡語，惱害眾生。五、得劣意業，三業不淨。六、言常誤失，心常

憂愁。七、發言輕浮，人天不奉行。八、智慧乃下劣，人能制伏。

【戒兩舌。得五種不可壞法。】

一、得不壞身，無能害故。二、得不壞眷屬，無能破故。三、得不壞信，順本業故。四、得不壞法行，所修堅固故。五、

得不壞善知識，不誑惑故。

【犯兩舌。得五種可壞法。】

- 一、得能壞身，有能害故。
- 二、得能壞眷屬，有能破故。
- 三、得能壞信，違本業故。
- 四、得能壞法行，所修不堅固故。
- 五、得能壞善知識，常誑惑故。

【戒惡口。得成就八種淨業。】

一、言不乖度。二、言皆利益。三、言必契理。四、言詞美妙。五、言可承領。六、言則信用。七、言無可譏。八、言盡愛樂。

【犯惡口。不成就八種淨業。】

一、言常乖度。二、言不利益。三、言不契理。四、言詞粗獷。五、言難承領。六、言不信用。七、言多可譏。八、言盡不樂。

【戒綺語。得成就三種決定。】

一、定為智人所愛。二、定能以智如實答

問。三、定於人天威德最勝，無有虛妄。

【犯綺語。不成就三種決定。】

一、定為智人所訶<sup>hē</sup>。二、定難以智，如實

答問。三、定於人天威德難最勝，定有虛妄。



# 善純淨純

目解 空淨



## 附四分律酒戒一條

【戒酒。得成就十種無過失法。】

- 一、顏色不惡。
- 二、不少力。
- 三、眼視明。
- 四、現無瞋恚相。
- 五、不壞田業資生法。
- 六、不致疾病。
- 七、不益鬪訟。
- 八、無名稱惡名流布。
- 九、智慧不減少。
- 十、

身壞命終，不墮三惡道。

【犯酒。得成就十種過失法。】

- 一、顏色惡。
- 二、少力。
- 三、眼視不明。
- 四、現瞋恚相。
- 五、能壞田業資生法。
- 六、增致疾病。
- 七、能益鬪訟。
- 八、名稱惡名流布。
- 九、智慧減少。
- 十、身壞命

終，墮三惡道。

【戒貪欲。得成就五種自在。】

一、三業自在，諸根具足。二、財物自在，一切怨賊不奪。三、福德自在，隨欲物備。四、王位自在，珍奇皆奉。五、所獲勝物，過本所求。

【犯貪欲。不成就五種自在。】

一、三業不淨，諸根不足。二、財物不自在，一切怨賊能奪。三、福德不自在，隨欲難物備。四、王位不自在，珍奇難皆奉。五、所獲劣物，非本所求。

【戒瞋恚。得八種喜悅心法。】

一、無損惱心。二、無瞋恚心。三、無諍  
訟心。四、柔和質直心。五、得聖慈心。  
六、常作利益安眾生心。七、身相端嚴，  
眾共尊敬。八、以和忍故，速生梵世。

【犯瞋恚。不得八種喜悅心法。】

一、有損惱心。二、有瞋恚心。三、有諍

訟心。四、粗獷guǎng諂曲qū心。五、得凡害心。  
六、不作利益安眾生心。七、身相不端  
嚴，眾共不敬。八、以粗獷故，速生惡  
趣。

【戒邪癡見。得成就十功德法。】  
一、得真善意樂，真善等侶。二、深信

因果，寧損身命，終不作惡。三、惟歸  
依佛，非餘天等。四、直心正見，永離  
一切吉凶疑網。五、常生人天，不更惡  
道。六、無量福慧，轉轉增勝。七、永離  
邪道，行於聖道。八、不起身見，捨諸惡  
業。九、住無礙見。十、不墮諸難。

【犯邪癡見。不成就十功德法。】

一、失真善意樂，真善等侶。二、不信因果，寧損身命終作惡。三、惟歸依外道餘天等。四、曲心qu邪見，難離一切吉凶疑網。五、常生惡趣，不更善道。六、無量邪慧，轉轉增勝。七、永離正道，行於非

道。八、常起身見，捨諸善業。九、住有  
礙見。十、常墮諸難。

知恩報恩



學為人師行為世範

孝親尊師



## 雍正皇帝上諭

朕惟三教之覺民於海內也。理同出於一原。道並行而不悖。人惟不能豁然貫通。於是人各異心。心各異見。慕道者謂佛不如下道之尊。向佛者謂道不如佛之大。

而儒者又兼闢二氏。以為異端。懷挾私心。紛爭角勝<sup>jué</sup>。而不相下。

朕以持三教之論。亦惟得其平而已矣。能得其平。則外略形跡之異。內證性理之同。而知三教。初無異旨。無非欲人同歸於善。夫佛氏之五戒十善。導人於善

也。吾儒之五常百行。誘掖yè獎勸。有一不引人為善者哉。

昔宋文帝問侍中何尚之曰。六經本是濟俗。若性靈真要。則以佛經為指南。如率土之民。皆淳此化。則吾坐致太平矣。何尚之對曰。百家之鄉。十人持五戒。

則十人淳謹。千室之邑。百人持十善。則  
百人和睦。持此風教。以周寰區。則編戶  
億千。仁人百萬。而能行一善則去一惡。  
去一惡則息一刑。一刑息於家。萬刑息於  
國。洵乎可以垂拱坐致太平矣。斯言也。  
蓋以勸善者。治天下之要道也。

而佛教之化貪吝。誘賢良。其旨亦本於此。苟信而從之。洵可以型方訓俗。而為致君澤民之大助。其任意詆毀。妄捏為楊墨之道之論者。皆未見顏色。失平之瞽<sup>gǔ</sup>說也。

朕居藩邸。留心內典。於性宗之學。

實深領悟。御極以後。宵旰<sup>gàn</sup>靡<sup>mǐ</sup>遑。且恐  
啟天下以崇尚釋教之疑。是以未嘗形之談  
論。欲俟庶政漸理。始舉三教合一之旨。  
提撕警覺。以明互相詆毀者之非。今邇十  
年矣。聽政餘暇。偶將朕之所見。並昔人  
論說數條。舉以示天下之學道者。

一。古人有曰。周孔六經之訓。忠孝履其端。李老二篇之言。道德創其首。瞿<sup>Qú</sup>曇三藏之文。慈悲為其本。事跡雖異。理數不殊。皆可崇可慕者。

二。又有曰。儒以正設教。道以尊設教。佛以大設教。觀其好生惡殺。則同

一仁也。視人猶己。則同一公也。懲忿塞chéng  
欲。禁過防非。則同一操修也。sè

三。又有曰。以佛治心。以道治身。  
以儒治世。

四。又有曰。佛之言性。與諸書同。  
聖人同。其性則廣為道德。人能同誠其

心。同齋戒其身。同推德於人。則可以福吾親。可以資吾君之安天下。

五。又有曰。佛之道與王道合。王者者。皇極也。皇極者。中道之謂也。佛之道亦曰中道。不偏不邪。其旨相同。

六。又有曰。佛教之設。使人棄華而

就實。背偏而歸善。由力行而造於安行。由自利而至於利彼。其為生民之所依歸者，無以加矣。

七。又有曰。人謂釋氏惟務上達而無下學。不思釋氏之六波羅蜜。由禪定而到彼岸。豈非下學上達之旨乎。

八。又有曰。天下無二道。聖人無  
兩心。蓋道者。先天地而生。互gèn古今而常  
存。聖人得道之真以治身。以其緒餘土苴  
治天下國家。豈不大哉。

故聖人。或生於中國。或生於西方。  
或生於東夷。西夷。生雖殊方。而其得道

之真。若合符契。未始殊也。以上八條。皆於聖賢之理。同流共貫。未見其為謬異也。

三教雖各具治心。治身。治世之道。然各有所專。其各有所長。各有不及處。亦顯而易見。實缺一不可者。

夫習釋道之學。雖有偏有正。而習儒者之學。亦有真有偽。即如釋中以狂空欺世。道中以邪術愚人。是固釋道之罪人也。亦如儒中博覽詩書。高談仁義。而躬蹈亂臣賊子之行者。謂非名教之罪人乎。若掩人之長。而斥其短。隱己之短。

而誇其長。互相肆口詆排者。皆私詐小人形態。非仁人君子。懷德抱道之所為。亦徒見其不自量耳。

數年來。有請嚴禁私自剃度者。有請將寺觀guàn改為書院者。有縣令無故毀廟逐僧者。甚至有請僧尼悉行配合夫婦。可廣增

人丁者。悖理妄言。惑亂國是。不思鰥寡  
孤獨。為國家所矜恤。彼既立愿出家。其  
意亦為國家。蒼生。修福田耳。乃無故強  
令配合以拂其性。豈仁君治天下者之所忍  
為乎。因皆下愚小輩。朕亦未窮治其妄誕  
之罪。至於品類不齊。其中違理犯科者。

朝廷原有懲創之條。而其清修苦行。精  
戒明宗者。則為之護持。其邪說外道。則  
嚴加懲治。如道忒<sup>mín</sup>。行峰之紀載謬妄。法  
藏。弘忍之魔說猖狂。朕悉降旨指摘。  
決不令混冒正法。以致真偽罔辨也。朕於  
三教同原之理。探溯淵源<sup>sù</sup>。公其心而平其

論。令天下臣庶佛仙弟子。有各挾私心。

xié

各執己見。意存偏向。理失平衡者。夢覺  
醉醒焉。故委曲宣示。以開愚昧。凡有地  
方責任之文武大臣官員。當誠是朕旨。加  
意護持出家修行人。以大公同善之治。特  
諭。

佛山

正視祖國大業要  
發揚優良文化

蒙養民族幼苗須  
多讀聖賢經書

## 弟子規

### 【總敘】

① 弟子規 聖人訓 首孝弟 次謹信

汎愛眾 而親仁 有餘力 則學文

### 【入則孝】

② 父母呼 應勿緩 父母命 行勿懶

父母教

須敬聽

父母責

須順承

③ 冬則溫

夏則清qìng

晨則省

昏則定

出必告

反必面

居有常

業無變

④ 事雖小

勿擅為

苟擅為

子道虧

物雖小

勿私藏

苟私藏

親心傷

⑤ 親所好

力為具

親所惡

謹為去

身有傷

貽<sup>yí</sup>親憂

德有傷

貽<sup>yí</sup>親羞

親愛我

孝何難

親憎<sup>zēng</sup>我

孝方賢

⑥ 親有過

諫使更<sup>gēng</sup>

怡吾色

柔吾聲

諫不入

悅復諫

號<sup>hào</sup>泣隨

撻無怨

⑦ 親有疾

藥先嘗

晝夜侍

不離床

喪<sup>sāng</sup>三年

常悲咽

居處<sup>chù</sup>變

酒肉絕

喪盡禮 祭盡誠 事死者 如事生

【出則弟】

⑧ 兄道友 弟道恭 兄弟睦 孝在中

財物輕 怨何生 言語忍 忿自泯

⑨ 或飲食 或坐走 長者先 幼者後

長呼人 即代叫 人不在 己即到

⑩ 稱尊長

勿呼名

對尊長

勿見能<sup>xiàn</sup>

路遇長

疾趨揖<sup>yī</sup>

長無言

退恭立

騎下馬

乘下車

過猶待

百步餘

⑪ 長者立

幼勿坐

長者坐

命乃坐

尊長前

聲要低

低不聞

卻非宜

進必趨

退必遲

問起對

視勿移

⑫ 事諸父 如事父 事諸兄 如事兄

【謹】

⑬ 朝起早 夜眠遲 老易至 惜此時

晨必盥 兼漱口 便溺回 輒淨手

⑭ 冠必正 紐必結 襪與履 俱緊切

置冠服 有定位 勿亂頓 致污穢

⑮

衣貴潔

不貴華

上循分<sup>fèn</sup>

下稱家<sup>chèn</sup>

對飲食

勿揀擇

食適可

勿過則

年方少

勿飲酒

飲酒醉

最為醜

⑯

步從容

立端正

揖深圓<sup>yī</sup>

拜恭敬

勿踐闕<sup>yù</sup>

勿跛倚

勿箕踞

勿搖髀<sup>bì</sup>

⑰

緩揭簾

勿有聲

寬轉彎

勿觸稜<sup>léng</sup>

執虛器

如執盈

入虛室

如有人

事勿忙

忙多錯

勿畏難

勿輕略

鬥鬧場

絕勿近

邪僻事

絕勿問

⑱ 將入門

問孰存

將上堂

聲必揚

人問誰

對以名

吾與我

不分明

用人物

須明求

倘不問

即為偷

借人物 及時還 後有急 借不難

【信】

①9 凡出言 信為先 詐與妄 奚可焉

話說多 不如少 惟其是 勿佞巧

奸巧語 穢污詞 市井氣 切戒之

②0 見未真 勿輕言 知未的<sup>dí</sup> 勿輕傳

事非宜

勿輕諾

苟輕諾

進退錯

凡道字

重且舒

勿急疾

勿模糊

彼說長

此說短

不關己

莫閒管

②1 見人善

即思齊

縱去遠

以漸躋

jī

見人惡

即內省

有則改

無加警

②2 唯德學

唯才藝

不如人

當自礪

若衣服

若飲食

不如人

勿生感

②③ 聞過怒

聞譽樂

損友來

益友卻

聞譽恐

聞過欣

直諒士

漸相親

②④ 無心非

名為錯

有心非

名為惡

過能改

歸於無

倘揜yǎn飾

增一辜

【汎愛眾】

②5 凡是人

皆須愛

天同覆

地同載<sub>zài</sub>

②6 行高者<sub>xíng</sub>

名自高

人所重

非貌高

才大者

望自大

人所服

非言大

②7 己有能

勿自私

人所能

勿輕訾<sub>zǐ</sub>

勿諂富

勿驕貧

勿厭故

勿喜新

人不閒

勿事攬

人不安

勿話擾

②8 人有短 切莫揭  
人有私 切莫說

道人善 即是善  
人知之 愈思勉

揚人惡 即是惡  
疾之甚 禍且作

善相勸 德皆建  
過不規 道兩虧

②9 凡取與 貴分曉  
與宜多 取宜少

將加人 先問己  
己不欲 即速已

恩欲報

怨欲忘

報怨短

報恩長

③⑩ 待婢僕<sup>bì</sup>

身貴端

雖貴端

慈而寬

勢服人

心不然

理服人

方無言

【親仁】

③⑪ 同是人

類不齊

流俗眾

仁者希

果仁者

人多畏

言不諱

色不媚

能親仁 無限好 德日進 過日少

不親仁 無限害 小人進 百事壞

【餘力學文】

③2 不力行 但學文 長zhǎng浮華 成何人

但力行 不學文 任己見 昧理真

③3 讀書法 有三到 心眼口 信皆要

方讀此  
勿慕彼  
此未終  
彼勿起

寬為限  
緊用功  
工夫到  
滯塞通

心有疑  
隨札記  
就人問  
求確義

③4 房室清  
牆壁淨  
几案潔  
筆硯正

墨磨偏  
心不端  
字不敬  
心先病

列典籍  
有定處  
讀看畢  
還原處

雖有急

卷束齊

有缺壞

就補之

非聖書

屏<sup>bǐng</sup>勿視

蔽聰明

壞心志

勿自暴

勿自棄

聖與賢

可馴致

家庭充滿六和敬

子弟培成三福根